

**Hmong cultural center.
(koom haum hmoob txuj ci)**

=zaj nkauj tu siav.
=zaj nkauj noj sus.
=zaj nkauj noj hmo.
=Zaj nkauj hlawv ntawv.
=Zaj hu muam phauj los
txiv dab laug tuaj hlub.

tus tsim yog: Major.Tougeu leepalao



Major. Tougeu leepalao

Major. Tougeu leepalao.
687 charles ave.st Paul,M.N 55104. H.
995 universty ave, stpaul,MN55104. w.

= **Education:** 1950 Lao grade school certificate phone-savanh province xieng khouang laos.

- = 1953 special guerrilla unit and parachute training camp cap saint Jacque province Saigon south Vietnam.
- = 1960 French grade school certificate xiengkhouang laos.
- = 1963 military cadet school phakhao laos trained to be a military officer.
- = 1966 training in general long cheng laos acted as a technical training staff at long cheng ste 20. A.

= **Experience:**

- = 1964 Commander in chief. Ban Na Laos. Acted as a coordinator for Zone. 2 A. site 15.
- = 1966 commander in chief saneune laos acted as a coordinator to manage Zone . 12 B. site 184.
- = 1967 chief of training moung cha Laos. responsible for training guerrilla unit and.B.O.C.troops at site 113 training camp.
- = 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and.MTT. troops at Long cheng training camp center.
- = 1971-75 Commander in chief at Samthong Laos. managed and Director the .B.O.C. for site 20.
- = 1992 present Cultural instructor Hmong cultural center St Paul, MN 55104 teach Hmong cultural,history and language adolescent And adults and provide cultural counseling to Hmong community

Reference: Available upon request.



Zaj nkauj tu siav.

Lub suab: npliaj.mos mog sib saub saub sis laws npliaj xiv muam paj tawg maiv muam nkauj quag.

1/-Ntuj hnub mus tav no,tav tau kuv txiv nkauj lub caij uas kuv tsa lawm kuv ncauj qhub, tav tau niam poj lag lub caij uas nws puag tes coj puag taw nrog lav tsuj lav npuag sib puag ntub.

-Ntuj hnub mus tav no,tav tau kuv txiv nkauj lub caij uas kuv tsa lawm kuv ncauj qw, tav tau niam poj lag lub caij uas nws puag tes coj puag taw nrog lav tsuj lav npuag sib puag pw.no ! ib ! sub es !!

2/-Ntuj hnub mus tav no,tav tau kuv txiv nkauj lub caij uas kuv tsa lawm kuv zaj saub,tav tau nkawm txiv qeej,txiv nruas lub caij uas tsa zaj qeeg txiv nraug nruas nrov deeg daws tuaj nruab taub. No ! ib ! sub !

-Ntuj hnub mus tav no,tav tau kuv txiv nkauj lub caij uas kuv tsa lawm kuv zaj xiv, tav tau nkawm txiv qeej txiv nruas lub caij uas tsa lawm zaj qeeg txiv nraug nruas nrov deeg daws tuaj nruab ntiv.no! ib ! sub es!

3/-Hnub tab txheej tshoj thaum ub,ces ntiaj teb tsis muaj ploj hos, nrag cais tsis muaj tuag, yog noob neej mus khaws tsov nyuj nyoog nyuag tub tuag tuaj nruab kab coj los pam ua qauv quaj es,noob tsav mus khaws tsov nyuj nyoog nyuag tuag tuaj nruab kev coj los pam ua qauv nyiav. No ! ib sub es !

4/-Noob neej ces ua qeej phlaub mag nruas dua tau

ntaus ib qws nrov lawm cuaj suab-muaj ib suab nrov
nto plaws ntxwj nyug qab mus ntuj ntsuab, tshuab ib
zag nrov cuaj zag muaj ib zag nrov nto plaws ntxwj
nyug qab mus ntuj dag. No! Ib sub es !

5/-ntxwj nyug li siv los qhub hais tias: ua cas txhiaj
niaj lub ntuj tsis qeeg, txhia xyoo lub teb tsis ncha
xyoo no lub ntuj yuav qeeg, lub teb yuav ncha,ntxwj
nyug li qhib rooj ntug nrug nrus luaj tsos xib,ntxwj
nyug li hais tias yog noob neej ntshaw ploj,noob tsav
ntshaw tuag, ntxwj nyug li tso lub mob poob los lawm
tuaj kub sis rhib.

- ntxwj nyug li siv los qhub hais tias; ua cas txhiaj niaj
lub ntuj tsis qeeg lub teb tsis ncha, xyoo no lub ntuj
yuav qeeg lub teb yuav ncha, ntxwj nyug li qhib rooj
ntug nrug nrus luaj tso xuv, ntxwj nyug.li hais tias yog
noob neej ntshaw-ploj,noob tsav ntshaw tuag ntxwj
nyug li tso lub mob poob los lawm tuaj kub sis nuv.

6/-Ntxwj nyug li tso zaj mob poob nthav tuaj nram toj,
noob neej mus khaws tau coj es lnoob neej li tau kev
ploj.- ntxwj nyug li tso zaj mob poob nthav tuaj nram
tsuag noob tsav mus khaws tau puag,noob tsav li tau
kev tuag. No ! ib sub es !!!!

= ntxwj nyug li tso zaj mob tsiv nkeeg ua ntshua niab
tuaj nraum kab,niam poj lag mus nphav ntxwj nyug
tus zaj mob tsiv nkeeg es zaj mob li ua mob ntxhia
ntxis rau niam poj lag plab....ntxwj nyug tso tus zaj
mob tsiv nkeeg ua ntshua niab tuaj nraum kev,niam
poj lag mus nphav ntxwj nyug tus zaj mob tsiv nkeeg
es zaj mob li ua mob ntxhia ntxis rau niam poj lag cev
7/-niam poj lag tsis ntsaj los zaj mob tsis kaj,ntsaj los

nrog zaj mob sib liag txaj..-niam poj lag tsis nroo los
zaj mob tsis zoo,nroo los nrog zaj mob sib liag nc oo
8/-Tub tij siab tsis kheev, tes lauj caum cwj xyab lauj
nas caum cwj ntaww saib yaig rau txiv neeb, txiv neeb
muab cwj xyab ntsuas lis zoj,cwj ntaww ntsuas lis zus
txiv neeb hais tias: tub tij nes tub tij nyuj dab los tsis
tawm npua tai los tsis qiaq, yog ntxwj nyug siab tsis
zoo,ntxwj nyug muab niam poj lag ntiaj ntaub npe
ntaww kais los lawm ntxov-tub tij es txawj cuaj neeb
kaum tsaww raws los yuav tsis röv. Vim ntxwj nyug
siab tsis zoo, ntxwj nyug muab niam poj lag ntiaj
ntaub npe ntaww kais los lawm ntau- tub tij es txawim
cuaj neeb kaum tsaww raws los yuav tsis tau.no ib sub
9/-niam poj lag ces tsis ntsaj los zaj mob tsis kaj,ntsaj
los txoj siav txoj pa yaj ntshis tej npoo txaj..- tsis nroo
los zaj mob tsis zoo,nroo los txoj siav txoj pa yaj ntshis
tej npoo nc oo. No ! ib ! sub es !!

10/-niam poj lag ces ntaj ntsug nyob tuag tas,tub tij
muab qas tsi los tsa niam poj lag lub moo ploj,tub tij
nkaus hlo nyuj pwm qab kub ntsuab pwv nrov lam luj
lug mus nto toj, kev zej, kev zos li hn ov niam poj lag
lub moo ploj...-tub tij nkaus hlo nyuj pwm qab kub
xiab pwv nrov lam luj lug mus nto tsuag, kev zej kev
zos li hn ov niam poj lag lub moo tuag.

=Tub tij li muab niam poj lag mus xyab lis nkaus rau
tej qab cub, niam poj lag yuav pw tos nws tub,nws kiv
tais dej kub...- tub tij muab niam poj lag mus xyab lis
nkaus rau tej kaum txuas, niam poj lag yuav pw tos
nws tub nws kiv tais dej los ntxuav muag. No ib sub
11/-tub tij ces tes lauj nkaus hlo tog tus tsuj, lauj nas

Nkaus hlo tsuj tog tus npuag muab loj zog ua ib teg qaws zog khi kom ruaj es, kev zej kev zos li sib qawg quaj...- muab loj zog ua ib teg qaws zog khi kom tiav kev zej kev zos li sib qawg nyiav. No ib sub es !!!
 12/-kev zej li tuaj txhij, kev zos li tuaj txhua es li sab laj tuaj tom taj, sab laj los ntaus tau nws laus ib nkawm khau maj hos, txum nyiv tuaj tom txuas txum nyiv los ntaus tau nws laus ib nkawm khau ntuag li muab loj zog ua ib teg qaws zog ua ib puab li muab rau nws laus coj mus tsuj lawm·puag ntxwj nyug kev kab ntsuab....muab loj zog ua ib teg, muab qaws zog ua ib txig muab rau nws laus coj mus tsuj lawm ntxwj nyug kev kab ntsig.

13/-Xyoo no ces niam poj lag noj txhaum lawm niaj dab qav, hais txhaum lawm niaj dab lus es nrog niaj dab mus, niaj dab qhia niam poj lag tsis ncaj es,zaum no ces yuav txias zuj zias nws tub,nws kiv ib tog txaj -xyoo no ces niam poj lag noj txhaum lawm niaj qab qav hais txhaum lawm niaj dab lus es nrog niaj dab mus, niaj dab qhia niam poj lag tsis zoo es! Zaum no ces yuav txias zuj zias nws tub nws kiv ib tog ncoo.

14/-Zoo niaj ces tsis tawg paj,zoo xyoo ces tsis txi txiv phem niaj ces li tawg paj phem xyoo ces li txi txiv, tawg paj sis zus tuaj nruab huab, txi txiv sis zus tuaj nruab ntsis. Xyoo no ces niam poj lag nws yuav nrog nws tub, nws kiv sib faib yig.

- zoo niaj ces tsis tawg paj zoo xyoo ces tsis txi txiv phem niaj ces li tawg paj, phem xyoo ces li txi txiv, tawg paj sis zus tuaj nruab ntsis, txi txiv sis zus tuaj nruab huab. Xyoo no ces niaj poj lag yuav nrog nws

tub nws kiv sis faib cuab. No ! ib sub es !!

15/-txhia niaj kus txhia xyoo es nraj yig tsis tuag ces zoov nuj txeeg doog sis nciab, nraj yig tuag tas ces zoov nuj txeeg nqha sis niab, txhia niaj kus txhia xyoo niaj poj lag tsis tuag ces nws lub vaj lub tsev nyob huv si hos,xyoo no niam poj lag ntaj ntsug nyob tuag tas ces nws lub vaj lub tsev yuav ntxhov sis niab.

- txia niaj kus txhia xyoo es,nraj yig tsis tusg ces zoov nuj txeeg doogsis nkawv, nraj yig tuag tas ces zoov nuj txeeg nqha sis tsawv, txhia niaj kus txhia xyoo niam poj lag tsis tuag ces nws lub vaj lub tsev nyob huv si xyoo no niam poj lag ntaj ntsug nyob tuag tas ces nws lub vaj lub tsev yuav ntxhov sis tsawv. No ib sub !!

16/-niam poj lag ntaj ntsug los tuag tag es !! nws tub nws kiv ces yuav mus thov txiv nraug txiv mus txawj qeeg yuav tuaj ua tus qeej nruas nrov qeej nruas nrov mus duj ntxheb,yuav muab zaj qeeg ,zaj nruas xa niam poj lag nce sis hlo mus dhau plaws ntxwj sib nyug 99 ntsua mus kev deb.

- niam poj lag ntaj ntsug los tuag tag es!! Nws tub,nws kiv ces yuav mus thov txiv nraug txiv mus txawj qeeg yuav tuaj ua tus qeej nruas nrov qeej nruas nrov mus duj cav, yuav muab zaj qeeg, zaj nruas xa niam poj lag nce sis hlo mus dhau plaws ntxwj sib nyug 99 ntsua mus kev dav. No ! ib ! sub es !!!

17/-tshav ntuj ces duab ntxoov qaij es, los nag ces duab ntxoo ntxoov, neb nkawm txiv qeej,txiv nruas neb muab neb zaj qeeg txiv nraug nruas rau niam poj lag coj mus ua ntxuam yoov.

- tshav ntuj ces duab ntxoo ntxoov, los nag ces duab

duab ntxoov dua,neb nkawm txiv qeej txiv nruas neb muab neb zaj qeeg zaj nruas rau niam poj lag coj mus ua ntxuam cua. No ! ib sub es !!!

18/-tshav ntuj ces noog plaub quaj hos, los nag ces noog plaub saub, saub luj laws tus ceg ntseej es ! tav li no ces tav tau lawm ntiaj teb nuj toog nplhaib zag lub caij los quas qeej hos! Tshav ntuj ces noog plaub quaj es, los nag ces noog plaub saub, saub luj laws tus ceg ntsuas, tav nov ces tav tau lawm nuj toog nplhaib zag lub caij los quas nruas no! Ib sub es !!!

19/-tshav ntuj ces paj dib tawg los nag hmab dib cab hmab dib luag luj luas nto plaws ntxwj nyug tej ntug zej es,xyoo no ces niam poj lag ntsuj mam huab xyw twb nrog niaj dab tsoj tsuam tuav tes rawv los lawm lej.---tshav ntuj ces paj dib tawg,los nag hmab dib cab hmab dib luag luj luas nto plaws ntxwj nyug tej ntug zos, xyoo no ces niam poj lag ntsuj mam huab xyw twb nrog niaj dab tsoj tsuam tuav tes rawv los lawm ntxov.

20/-Niam poj lag ces tus ntsuj cev nyob tuag taus,tus ntsuj mam tuag tsis taus, tus ntsuj mam nce sis hlo mus txog ntua ntxwj nyug tej ntav ntuj es, tig ntiaj xib lees rov saib lawm ntiaj teb,pom tshav ntuj ces sawv huab ntxuj,los nag ces sawv huab ha,huab ntxhee huab txuj txias luaj tsos seb, niam poj lag yuav xa xov nraws rau nws tub nws kiv hais tias zaum no ces nws yuav mus niaj txhiab mev txhis yuav tsis rais feb.

- niam poj lag ces tus ntsuj cev nyob tuag taus,tus ntsuj mam tuag tsis taus, tus ntsuj mam nce sis hlo mus txog ntua ntxwj nyug tej ntav ntuj es tig ntiaj xib

Lees saib lawm ntiaj teb, pom tshav ntuj ces sawv huab ntxuj hos, los nag ces sawv huab ha es, huab ntxhee huab txuj txias luaj tsos xov-niam poj lag ces yuav xa moo nraws rau nws tub,nws kiv hais tias: zaum no ces nws yuav mus niaj txhiab mev txhis es nws yuav tsis rais rov no ! ib ! sub es !!!

21/-niam poj lag nce sis hlo mus txog ntxwj nyug lub tiaj txiv duaj, nws yuav xa xov nraws rau nws tub nws kiv nyob ntiaj teb tsis txhob quaj es! Tsam dab ntxoog dab tsov tuaj hos.

- niam poj lag nce sis hlo mus txog ntxwj nyug lub tiaj txiv siav. Nws yuav xa xov nraws rau nws tub,nws kiv nyob ntiaj teb tsis txhob nyiav es! Tsam dab ntxoog dab tsov nrhiav no ! ib ! sub ea !!

22/-niam poj lag nce sis hlo txog ntxwj nyug tub zov rooj ntug, ntxwj nyug tub zov rooj ntug yuav nug hais tias: niam poj lag koj los ntiaj teb los es koj yuav los mus nyob qhov twg ?niam poj lag yuav hais tias:zaum no ces lub cev cwj yag txha yuav lwj tsus ua ntiaj teb twv av mus luaj liab,tshuav tus ntsuj mam tuag tsis taus, tus ntsuj mam yuav rais lees rov los mus nrog poj koob yawm li txwv ua neej los sau siab, yuav tseg ncua ntiaj teb txoj kev khwv tshav mus ntuj ziab.

-Niam poj lag nce sis hlomus txog ntxwj nyug tub zov rooj ntug,ntxwj nyug tub zov rooj ntug yuav nug hais tias: niaj poj lag koj los ntiaj teb los es ! koj yuav los mus nyob qhov twg ? niam poj lag yuav hais tias.nws cev cwj yag txha yuav lwj tsus ua ntiaj teb twv av mus luaj dub,tshuav nws tus ntsuj plig tuag tsis taus,tus ntsuj plig yuav rais lees rov los nrog nws poj koob

yawm lis txwv ua neej los sib hhub, yuav tseg ncua ntiaj teb txoj kev khww tshav mus ntuj kub. No ib sub 23/-ntxwj nyug tub zov rooj ntug yuav nug hais tias niam poj lag koj los ntiaj teb los es. Koj puas tshuav ntiaj teb nuj es, ntiaj teb puas tshuav koj nqi niam poj lag yuav hais tias: niam poj lag tsis tshuav ntiaj teb nuj, ntiaj teb tsis tshuav niam poj lag nqi, niam poj lag lag ces haj tseem tshuav nws tub nws kiv 99 ntswg liaj ncab. 88 txwg zoo mus tub mab, nws tub nws kiv haj tseem tshuav niam poj lag lub mus kauj vab.

-Niam poj lag ces haj tseem tshuav nws tub nws kiv cuaj caum cuaj ntswg mus liaj ntev 88 txwg zoo mus tub qhev. Nws tub nws kiv ces haj tseem tshuav niam poj lag lub mus kauj lev. No ! ib ! sub es !!!

24/-ntxwj nyug tub zov rooj ntug yuav nug hais tias: niam poj lag koj los ntiaj teb los es , ntiaj teb muaj txug cia zoo txuj es ntiaj teb muab tsav tsim nuj qas tsi coj los pam pluj es.. ntiaj teb muaj ci cia zoo ci. Ntiaj teb muab tsav tsim nuj qas tsi coj los pam tuag niam poj lag yuav hais tias: ntiaj teb muaj txug cia zoo txuj, ntiaj teb muab tawv nyuj dub coj los zoj kom nrui, muab qeej lag los tshov, muab cav muas xuv coj los ntaus pam pluj hos ! ntiaj teb muaj ci cia zoo ci ntiaj teb muaj tawv nyuj dub coj los zoj nruas, muab qeej lag los tshov, muab cav muas xuv coj los ntaus pam tuag. No ! ib sub es !!!

25/-xyoo no ces niam poj lag yuav mus zaum lis ntua nws poj koob yawm lis txwv tej qab cub, nws yuav rov mus ua nws poj koob yawm txwv niaj ib tug zoo tub nws yuav mus zaum lis ntua nws poj koob yawm lis

txwv tej qab cais,nws yuav rov mus ua nws poj koob yawm lis txwv niaj ib leeg mus zoo ntxhais. No! Ib sub 26/-niam nkauj qeeg yuav nug txiv nraug nruas tias koj nrov ntuj hnub mus tav no,koj mag niaj pes tsawg caum qws,txiv nraug nruas tias.mag 360 qws nrov sib tsub,muaj ib qws nrov zeeg tshaws daim tawv nyuj dub...txiv nraug nruas nug niam nkauj qeeg tias.koj nrov ntuj hnub tav no koj mag niaj pes tsawg caum npuaj,niam nkauj qeeg hais tias. Mag 360 npuaj muaj ib npuag nrov mus muaj zag, muaj ib npuag nrov zeeg tshaws daim nplaim tooj dag txiv sis npliag nkauj ces tsis muaj tag lawm tiag. No ! ib ! sub es !.....

= kuv txiv nkauj ces nkauj tsis ncab, kuv yuav tso koj txiv qeej tes cia tej yas kab, kuv txiv nkauj ces nkauj tsis ntev, kuv yuav tso koj txiv qeej tes cia tej yas kev =kuv txiv nkauj ces kuv yuav rhais roj rhais neev rov ntiaj teb,koj txiv qeej koj muaj txug cia zoo txuj koj mam zais roj zais neev rov qab ncej ntxheb, kuv txiv nkauj ces kuv yuav rhais roj rhais neev rov ntiaj nrag koj txiv qeej ces koj muaj txug cia zoo txuj koj mam zais roj zais neev rov qab ntuj dag . no ! ib sub es !!

Tus hais: major Tougeu leepalao

Zaj nkauj sus

Lub suab seev: npliam mos mog sib saub saub sis laws nplia xiv muam paj tawg maiv muam nkaj quag !!

1/-ntuj hnub mus tav no,tav tau kuv txiv nkauj lub caij uas kuv tsa lawm kuv ncauj qhub,tav tau niam poj lag lub caij uas nws puag tes coj puag taw nrog ntoo txwj ntoo laus sis puag ntub..- ntuj hnub mus tav no,tav tau kuv txiv nkauj lub caij uas kuv tsa lawm kuv ncauj qw tav tau niam poj lag lub caij uas nws puag tes coj puag taw nrog ntoo txwj ntoo laus sis puag pw no ib sub!

2/-Ntuj hnub mus tav no,tav tau kuv txiv nkauj lub caij uas kuv tsa lawm kuv zaj saub, tav tau nkawm txiv qeej,txiv nruas lub caij uas tsa lawm zaj qeeg zajnruas nrov deeg daws tuaj nruab taub...-ntuj hnub mus tav no,tav tau kuv txiv nkauj lub caij uas kuv tsa lawm kuv ncauj xiv, tav tau nkawm txiv qeej,txiv nruas lub caij uas tsa zaj qeeg zaj nruas nrov deeg daws tuaj nruab ntiv no ! ib ! sub es !!!

3/-xyoo no niam poj lag ces nws tsuas ua npau suav tuj toog tias: nws tau ib leeg txiv zoo nraug tej sis nroo nws tsis paub,twb yog nws ntsuj mam huab xyw pw lis ko ntxwj nyug 4 daig txiag ntoo sib laug xyoo.

-Xyoo no niam poj lag ces nws tsuas ua npau suav tuj toog tias: nws tau ib leeg txiv zoo nraug tej sis ntxiag nws tsis paub,twb yog nws ntsuj mam huab xyw pw lis ko ntxwj nyug 4 daig txiag qiam sib laug niaj es !

4/-ntxwj nyug siab tsis zoo,ntxwj nyug tso zaj mob poob lis nthav tuaj nram toj es,luag li luag txawj khaw luag khaws ntsaws ntso luag tej nqaws tiab,niam poj lag tsis txawj khaws li khaws ua mob lis ntxiag tuaj nruab siab...- luag li luag txawj khaws ces luag khaws ntsaws ntso luag tej nqaws awv, niam poj lag tsis txawj khaws ces li khaws ua mob lis ntxiag tuaj nruab plawv no ! ib sub es !!

5/-niam poj lag ces tau ntxwj nyug tus zaj mob es tsis ntsaj los zaj mob tsis kaj es, ntsaj los txoj siav t xoja pa yaj ntshis tej npoo txaj.--tsis nroo los zaj mob tsis zoo nroo los txoj siav t xoja pa yaj ntshis tej npoo nc oo.

6/-Xyoo no ces niam poj lag tus ntsuj mam mus mag ntxwj nyug tes xauv ntswj es, tus ntsuj cev ces li qaung yees los ua ntiaj teb ib tugqaув lwj hos.--xyoo no ces niam poj lag tus ntsuj mam mus mag ntxwj nyug tes xauv ntixias,tus ntsuj cev ces li qaung yees los ua ntiaj teb ib tug qaув txias no ! ib sub es !!!

7/-tshav ntuj ces kab npauj kab xi ntsauv quav nyuj hos, los nag ces npauj kab ntsauv quav hluav,xyoo no ces li ua tau niam poj lag niaj ib npog tuag.

-Tshav ntuj ces kab npauj,kab xi ntsauv quav hluav, los nag ces kab npauj,kab xi ntsauv quav nyuj,xyoo no ces li ua tau niam poj lag ib tug npog pluj.no ib sub,

8/-nyuj dawb nyob nyuj dawb tsis paub muab nyuj dawb khi lis nkaus tuaj ntawm hlaub,nyuj dawb txiaj oob kua muag sib qee laub. Nyuj twm nyob nyuj twm tsis hnov muab nyuj twm khi lis nkaus tuaj ntawm tswg nyuj twm txiaj oob kua muag sib qee ntws.

9/-Cia muab nyuj dawb tua tas nrho es muab qaij los faib qhua muab tawv los zoj nruas,ntaus ib qws nrov lawm 9 suab,muaj ib suab xa niam poj lag thiab nyuj dawb nto plaws ntxwj nyug qab mus ntuj ntsuab.- ntaus ib qws nrov lawm 9 qws muaj ib qws xa niam poj lag thiab nyuj dawb nto plaws ntxwj nyug qab mus ntuj txws..nyuj dawb yuav hais tias ntxwj nyug tub zov rooj ntug, nyuj dawb tsis tshuav ntiaj teb nuj es ua cas yuav muab nyuj dawb tua lis nthi coj los pam pluj es, ntxwj nyug tub zov rooj ntug yuav hais tias.nyuj dawb tsis yog ntiaj teb muab koj tua los pam pluj,yog ntiaj teb muab koj tua los roos tub tuag ntsuj hos. Nyuj twm yuav hais tias: ntxwj nyug tub zov rooj ntug nyuj twm tsis tshuav ntiaj nqi, ntiaj teb yuav muab nyuj twm tua lis nthi coj los pam hli. Ntxwj nyug tub zov rooj ntug yuav hais tias: nyuj twm tsis yog ntiaj teb muab koj tua los pam tuag,yog ntiaj teb muab koj tua los ua tub tuag luag. No ib sub es !!!

10/-tav caij sis nroos caij yuav noj sus,qhua zej,qhua zos ntxhee sis txias yuav noj sus, cia txiv coj dab teg pes lauj tuav txhib ntawg, lauj xib pes nag ce khob cawv ntawg tawv tuaj tsis ntawg to es yog ntawg nqaij mus ntawg hno muab yim lias tuaj tom ntej es pov rhees tuaj tom qab es! Niam poj lag xav tsis txais noj los yog ntiaj teb diav qav mus tu moo ! niam poj lag txais noj los txog ncauj tsis txog plab, tus saw maj saw ntuag zoj lis ruav niam poj lag tej mus quv npab.

-Tav caij sis nroos caij yuav noj sus,qhua zej qhua zos ntxhee sis txias yuav noj sus, cia txiv coj dab teg pes lauj tuav txhib ntawg, lauj xib pes nas ce khob cawv

ntawg tawv tsis ntawg to yog ntawg qaij mus ntawg hno, muab yim lais tuaj tom ntej,pov rhees tuaj tom kev niam poj lag xav tsis txais noj los yog ntiaj teb diav qav mus tu moo,txais noj los txog ncauj tsis txog cev tus saw maj,saw ntuag zoj lis ruav niam poj lag tej mus quv tes no ! ib sub es !!!

11/-tshav ntuj ces noog plaub quaj es los nag ces noog plaub saub,saub luj laws tus ceg ntseej- tav no tav tau nuj toog nplhaib zag lub caij los quas qeej. Tshav ntuj ces noog plaub quaj,los nag ces noog plaub saub,saub luj laws tus ceg ntsuas, tav no tav tau nuj toog nplhaib zag lub caij los quas nruas. No ! ib sub es !!!!

12/-muab su mus noj tag,nkauj hnub qaij sis nroos yuav dua toj hos, niam dab ntxooov ntxoo ces qaug yees tuaj tim zeb- niam poj lag ces tes lauj txais nkaus tau nws tub,nws kiv lam hwj cawv nqis nraws lawm puag yeeb tim teb.= muab su mus noj tag es nkauj hnub qaij sis nroos yuav dua toj hos niam dab ntxooov ntxoo qaug yees tuaj tim hav, niam poj lag ces tes lauj txais nkaus nws tub nws kiv lam hwj cawv nqis nroos lawm puag yeeb tim nrag . n ! ib sub es !!!!

13/-muab su mus noj tag ces, niam poj lag yuav caij nees ntuj ntws,phov nees ntws hais tias: nws yuav mus ywj kiab, nws phov nees ntws mus txog lub mus tiaj nyug, nws tsis paub,nws ntsuj mam huab xywb twb nce nto plaws ntxwj nyug lub mus rooq ntug.

=Cia muab su mus noj tag es niam poj lag nws yuav caij nees ntuj ntws phov nees ntws hais tias: nws yuab mus ywj kiab,nws yuav phov nees ntws mus txog lub mus tiaj nrag, nws tsis paub,nws ntsuj mam huab xyw

Twb nce nto plaws ntxwj nyug lub rooj vag.

14/- niam poj lag nce sis hlo txog ntxwj nyug lub tiaj txiv duaj,nws yuav xa xov nraws rau nws tub nws kiv nyob ntiaj teb hais tias, zaum no nws yuav mus tiag es kom nws tub nws kiv tsis txhob quaj- nyob ziag tsam dab ntxoog dab tsov tuaj.

-Niam poj lag nce sis hlo txog ntua ntxwj nyug lub tiaj mus txiv siav, nws yuav xa xov nraws rau nws tub nws kiv nyob ntiaj teb tsis txhob nyiav, nyob tsam dab ntxoog coj dab tsov nrhiav no ib sub es !!

15/-ntxwj nyug tub zov rooj ntug yuav hais tias niam poj lag koj los ntiaj teb los es koj tshuav ntiaj teb qas tsi nuj,ntiaj teb tshuav koj qas tsi nqi, niam poj lag yuav hais tias: niam poj lag tshuav nws tub nws kiv cuaj caum cuaj ntswg liaj ncab,88 txwg zoo mus tub mab.nws tub nws kiv haj tseem tshuav nws lub kauj vab. . niam poj lag ces tseem tshuav nws tub nws kiv 99 ntswg mus liaj ntev, 88 txwg zoo mus tub qhev nws tub nws kiv haj tseem tshuav niam poj lag lub mus kauj lev . no ! ib ! sub es !!

16/-ntxwj nyug tub zov rooj ntug yauv nug hais tias niam poj lag koj los ntiaj teb los ea ntiaj teb muaj txug cia zoo txuj es, ntiaj teb muab tsav tsim nuj qas tsi coj los pam pluj hos. Ntiaj teb muaj ci cia zoo ci ntiaj teb muab tsav tsim nuj qas tsi coj los pam tuag. Niam poj lag yuav hais tias: ntiaj teb muaj txug cia zoo txuj ces ntiaj muab tawv nyuj dub coj los zoj kom nruj es muab qeej lag los tshov, muab cav muas xauv coj los ntaus pam pluj hos ! niam poj lag hais tias ntiaj teb muaj ci cia zoo ci, ntiaj teb muab tawv nyuj dub coj los zoj

nruas, muab qeej lag los tshov, muab cav muas xuv coj los ntaus pam tuag. No ! ib ! sub es !!

17/- xyoo no ces niam poj lag yuav mus ntua nws poj koob yawm txwv tej qab cub, nws yuav mus ciaj tau nws poj koob yawm txwv niaj ib leeg mus zoo tub.

-Nws yuav mus zaum lis ntua nws poj koob yawm txwv tej qab caij, nws yuav mus ciaj tau nws poj koob

yawm lis txwv niaj ib leeg mus zoo ntxhais.no ib sub

18/-niam nkauj qeeg yuav nug txiv nraug nruas tias txiv nraug nruas koj nrov ntuj hnub mus tav no koj mag niaj pes tsawg caum qws ? txiv nraug nruas yuav hais tias: kuv mag 360 qws nrov sib tsub, muaj ib qws nrov zeeg tshaws daim tawv mus nyuj dub..

-txiv nraug nruas yuav nug niam nkauj qeeg hais tias niam nkauj qeeg koj nrov ntuj hnub mus tav no,koj mag niaj pes tsawg caum npuaj es, txiv nraug nruas yuav hais tias, kuv mag 360 npuaj es muaj ib npuag

nrov mus muaj zag, muaj ib npuag nrov zeeg tshaws daim nplaim tooj dag txiv sis npliag nkauj ces tsis muaj tag lawm tiag no ib sub es !!!

19/-kuv txiv nkauj ces nkauj tsis ncab,kuv yuav tso koj txiv qeej tes rau tej yas kab es koj mam xaus koj tus qeej,tus nruas thaiv nkaus dab ploj,dab tuag txoj mus hauv kab...kuv txiv nkauj ces nkauj tsis ntev kuv yuav tso koj tes rau tej yas kev,koj muaj txug cia zoo txuj es koj mam li cais koj tus qeej tus nruas thaiv nkaus dab ploj dab tuag txoj mus hauv kev. No ib sub es !!

= hais txog zaj nkauj sus mas tas li no xwb.

Major Tougeu leepalao.

Zaj nkauj hmo

Lub suab seev: npliam mos mog sib saub saub sis laws nplia xiv muam paj tawg mai v muam nkaj quag !!

1/-ntuj hnub mus tav no,tav tau kuv txiv nkauj lub caij uas kuv tsa lawm kuv ncauj qhub,tav tau hiam poj lag lub caij uas nws puag tes coj puag taw nrog ntoo txwj ntoo laus sis puag ntub... ntuj hnub mus tav no,tav tau kuv txiv nkauj lub caij uas kuv tsa lawm kuv ncauj qw tav tau niam poj lag lub caij uas nws puag tes coj puag taw nrog ntoo txwj ntoo laus sis puag pw no ib sub!

2/-Ntuj hnub mus tav no,tav tau kuv txiv nkauj lub caij uas kuv tsa lawm kuv zaj saub, tav tau nkawm txiv qeej,txiv nruas lub caij uas tsa lawm zaj qeeg zajnruas nrov deeg daws. Huij nruab taub...--ntuj hnub mus tav no,tav tau kuv txiv nkauj lub caij uas kuv tsa lawm kuv ncauj xiv, tav tau nkawm txiv qeej,txiv nruas lub caij uas tsa zaj qeeg zaj nruas nrov deeg daws tuaj nruab ntiv no ! ib ! sub es !!!

3/-xyoo no niam poj lag ces nws tsuas ua npau suav tuj toog tias: nws tau ib leeg txiv zoo nraug tej sis nroo nws tsis paub,twb yog nws ntsuj mam huab xyw pw lis ko ntxwj nyug 4 daig txiag ntoo sib laug xyoo.

-Xyoo no niam poj lag ces nws tsuas ua npau suav tuj toog tias: nws tau ib leeg txiv zoo nraug tej sis ntxiag nws tsis paub,twb yog nws ntsuj mam huab xyw pw lis ko ntxwj nyug 4 daig txiag qiam sib laug niaj es !

4/-ntxwj nyug siab tsis zoo,ntxwj nyug tso zaj mob poob lis nthav tuaj nram toj es! Luag li luag txawj khaws luag khaws ntsaws ntso luag tej nqaws tiab-niam poj lag tsis txawj khaws li khaws ua mob sis ntxiag tuaj nruab siab... luag li luag txawj khaws,ces luag khaws ntsaws ntso luag tej nqaws awv! Niam poj lag tsis txawj khaws,ces li khaws ua mob sis ntxiag tuaj nruab plawv, no ! ib sub es !!

5/-niam poj lag ces tau ntxwj nyug tus zaj mob es tsis ntsaj los zaj mob tsis kaj es,ntsaj los txoj siav txoj pa yaj ntshis tej npoo txaj es! Tsis nroo los zaj mob tsis zoo,nroo los txoj siav txoj pa yaj ntshis tej mus npoo ncoo no ib sub es !!

6/-xyoo no ces niam poj lag tus ntsuj mam mus mag ntxwj nyug tes xauv ntswj es! Tus ntsuj cev li qaug yees los ua ntiaj teb ib tug qauv lwj hos!--xyoo no ces niam poj lag tus ntsuj mam mus mag ntxwj nyug tes xauv ntxias,tus ntsuj cev li qaug yees los ua ntiaj teb ib tug qauv txias. No ! ib ! sub es !!

7/-tshav ntuj ces kab npauj,kab xi ntsauv quav nyuj,los nag ces npauj kab ntsauv quav hluav, xyoo no ces li ua tau niam poj lag ib tug npog tuag..

=tshav ntuj ces kab npauj kab xi ntsauv quav hluav,los nag ces kab npauj kab xi ntsauv quav nyuj es xyoo no ces li ua tau niam poj lag ib tug npog pluj no ! ib ! sub ! es !!

8/-tav caij sis nroos caij yuav noj hmo,qhua zej,qhua zos ntxhee sis txias yuav noj hmo es cia txiv coj dab teg pes lauj tuav txhib ntawg,lauj xib pes nas ce khob

cawv,ntawg tawv tuaj tsis ntawg to es yog ntawg nqaij los ntawg hmo, muab yim liav tuaj tom ntej es! Pov rhees tuaj tom qab ! niam poj lag xav tsis txais noj los yog ntiaj teb diav qav mus tu moo lniam poj lag txais noj los txog ncauj tsis txog plab tus saw maj,saw htuag zoj lis ruav niam poj lag tej mus quv npab..

=tav caij sis nroos caij yuav noj hmo,qhua zej qhua zos ntxhee sis txias yuav noj hmo es! Cia txiv coj dab teg pes lauj tuav txhib ntawg, lauj xib pes nas ce khob cawv ntawg tawv tsis ntawg to yog ntawg nqaij los ntawg hmo, muab yim liav tuaj tom ntej,pov rhees tuaj tom kev,niam poj lag xav tsis txais noj los yog ntiaj teb diav qav mus tu moo,txais noj los txog ncauj tsis txog cev,tus saw maj saw ntuag zoj lis ruav niam poj lag tej quv tes no ! ib sub es !!

9/tshav ntuj ces noog plaub quaj,los nag ces noog plaub saub,saub luij laws tus ceg ntseej,tav no tav tau nuj toog nplhaib zag lub caij los quas qeej, tshav ntuj ces noog plaub quaj,los nag ces noog plaub saub,saub luij laws tus ceg ntsuas,tav no tav tau nuj toog nplhaib zag lub caij los quas nruas. No ! ib sub es !!!

10/-muab hmo mus noj tag ces niam poj lag yuav nrog ntoo maj,ntoo tov sis puag ntub,nws yuav tseg nws tub ntsoj,ntxhais ntsuag quaj zog,quaj zig tsis muaj neeg cev tes yuav los hlub....muab hmo mus noj tag ces niam poj lag yuav nrog ntoo maj,ntoo tov sis puag pw,nws yuav tseg nws tub ntsoj ntxhais ntsuag quaj zog,quaj zig tsis muaj neeg cev tes plhw. No ! ib sub es !!

11/-niam poj lag yuav nce sis hlo nto plaws ntxwj nyug toj roob zeb ntsuab,nws yuav tseg nws tub ntsoj, tub ntsuag ua neej quaj seev yuj yees tsis tau tsheej cuab. Nws yuav nce sis hlo nto plaws ntxwj nyug toj roob zeb txig,nws yuav tseg nws tub ntsoj,ntxhais ntsuag ua Neej quaj seev yuj yees nyob tsis tau tsheej yig no ib su 12/-niam poj lag nce sis hlo txog ntxwj nyug lub tiaj txiv duaj,nws yuav xa xov nraws rau nws tub,nws kiv nyob ntiaj teb hais tias:zaum no.nws yuav mus tiag es kom nws tub nws kiv tsis txhob quaj mog nyob tsam dab ntxoog, dab tsov tau kev tuaj es !

= niam poj lag nce sis hlo mus txog ntxwj nyug lub tiaj mus txiv siav,nws yuav xa xov nraws rau nws tub,nws kiv nyob ntiaj teb tsis txhob nyiav,nyob tsam dab ntxoog,dab tsov tau kev khiav no ! ib sub es !!

13/-ntxwj nyug tub zov rooj ntug yuav nug tias niam poj lag koj los ntiaj teb los es,koj tshuav ntiaj teb qas tsi nuj,ntiaj teb tshuav koj qas tsi nqi? Niam poj lag yuav hais tias:niam poj lag tshuav nws tub,nws kiv 99 ntswg liaj ncab 88 txwg zoo mus tub mab, nws tub nws kiv haj tseem tshuav niam poj lag lub mus kauj vab. Niam poj lag ces tseem tshuav nws tub,nws kiv 99 ntswg liaj ntev, 88 txwg zoo mus tub qhev, nws tub nws kiv haj tseem tshuav niam poj lag lub mus kauj kev no ! ib sub 14/-ntxwj nyug tub zov rooj ntug yuav nug hais tias: niam poj lag koj los ntiaj teb los es,ntiaj teb muaj txug cia zoo txuj es, ntiaj teb muab tsav tsim nuj qa tsi coj los pam pluj hos. Ntiaj teb muaj ci cia zoo ci es ntiaj

teb muab tsav tsim nuj qas tsi coj los pam tuag ?niam poj lag yuav hais tias:ntiaj teb muaj txug cia zoo txuj es ntiaj teb muaj tawv nyuj dub coj los zoj kom nruj muab qeej lag los tshov, muab cav muas xuv coj los ntaus pam pluj hos. Niam poj lag hais tias: ntiaj teb muaj ci cia zoo ci,ntiaj teb muab tawv nyuj dub coj los zoj nruas, muab qeej lag los tshov, muab cav muas xuv coj los ntaus pam tuag. No ! ib sub es !!

15/-xyoo no ces niam poj lag yuav mus zaum ntua nws poj koob yawm txwv tej qab cub, nws yuav mus ciaj tau nws poj koob yawm txwv niaj ib leeg mus zoo tub. Nws yuav mus zaum ntua nws poj koob yawm txwv tej qab cais, nws yuav mus ciaj tau nws poj koob yawm txwv niaj ib leeg mus zoo ntxhais. No ! ib sub es !!
 16/-niam nkauj qeeg yuav nug txiv nraug nruas tias: txiv nraug nruas koj nrov ntuj hnub mus tav no, kom maj niaj pes tsawg caum qws ?iv nraug nruas yuav hais tias: nws mag 360 qws nrov sib tsub, muaj ib qws nrov zeeg tshaws daim tawv mus nyuj dub... txiv nraug nruas yuav nug niam nkauj qeeg tias: niam nkauj qeeg koj nrov ntuj hnub mus tav no koj mag niaj pes tsawg caum npuaj ? niam nkauj qeeg yuav hais tias: nws mag 360 npuaj, muaj ib npuag nrov mus muaj zag, muaj ib npuag nrov zeeg tshaws daim nplaim tooj dag txiv sis npliag nkauj ces tsis muaj tag lawm tiag no ! ib sub es !
 17/-kuv txiv nkauj ces nkauj tsis ncab kuv yuav tso koj txiv qeej tes rau tej yas kab, kuv txiv nkauj ces nkauj tsis ntev, kuv yuav tso koj txiv qeej tes rau tej yas kev.

= hais txog zaj nkauj sus mas tas li no xwb.
 Major Tougeu leepalao.

Zaj nkauj hlawv ntawv.

Lub suab: npliaj mos mog sib saub saub sis laws nplia xiv muam paj tawg maiv muam nkauj quag.

1/-Ntuj hnub mus tav no, tav tau kuv txiv nkauj lub caij uas kuv tsa lawm kuv ncauj qhub, tav tau niam poj lag lub caij uas nws puag tes coj puag taw nrog lav tsuj lav npuag sib puag ntub.

-Ntuj hnub mus tav no, tav tau kuv txiv nkauj lub caij uas kuv tsa lawm kuv ncauj qw, tav tau niam poj lag lub caij uas nws puag tes coj puag taw nrog lav tsuj lav npuag sib puag pw.no ! ib ! sub es !!

2/-Ntuj hnub mus tav no, tav tau kuv txiv nkauj lub caij uas kuv tsa lawm kuv zaj saub, tav tau nkawm txiv qeej, txiv nruas lub caij uas tsa zaj qeeg txiv nraug nruas nrov deeg daws tuaj nruab taub. No ! ib ! sub !

-Ntuj hnub mus tav no, tav tau kuv txiv nkauj lub caij uas kuv tsa lawm kuv zaj xiv, tav tau nkawm txiv qeej txiv nruas lub caij uas tsa lawm zaj qeeg txiv nraug nruas nrov deeg daws tuaj nruab ntiv. no ! ib ! sub es !

3/-Xyoo no niam poj lag, nws leg nws lub luaj qoob tsis tau nto luaj es! Nws tsis paub hais tias niam nkauj qeeg txiv nraug nruas yuav ib tsaug quaj hos!

-Xyoo no niam poj lag nws leg nws lub luaj qoob tsis nto, nws tsis paub hais tias niam nkauj qeeg txiv nraug nruas yuav ib tsaug nrov no ! ib ! sub es !!!

4/-Ntxwj nyug siab tsis zoo es ! ntxwj nyug li tso tus zaj mob tsiv nkeeg poob ua ntshua niab tuaj nraum kab- niam poj lag yuav mus nphav ntxwj nyug tus zaj: mob tsiv nkeeg es zaj mob li ua mob ntxhia ntxhis rau niam poj lag plab.- ntxwj nyug siab tsis zoo es. Ntxwj nyug li tso tus zaj mob tsiv nkeeg poob ua ntshua niab tuaj nraum kev- niam poj lag mus nphav ntxwj nyug tus zaj mob tsiv nkeeg es, zaj mob li ua mob ntxhia ntxis rau niam poj lag cev. No ! ib ! sub es !!!

5/-niam poj lag ces tsis ntsaj los zaj mob tsis kaj hos ntsaj los txoj siav,txoj pa yaj ntshis tej npoo txaj es ! -tsis nroo los zaj mob tsis zoo,nroo los txoj siav txoj pa yaj ntshis tej nyuag npoo nc oo. No ! ib ! sub es!!!

6/-Ua ciav xyoo no ces qaib ua xu qaib haus qe hos dev ua xu dev noj tub- li ua tau niam poj lag niaj ib tug npog dub.- ua ciav xyoo no ces qaib ua xu qaib haus qe, dev ua xu dev noj nyuag- li ua tau niam poj lag niaj ib tug npog tuag, no ! ib sub es !!!

7/-txhia niaj kus txhia xyoo es, nraj yig tsis tuag ces zoov nuj txeeg doog sis nciab- nraj yig tuag tas nrho ces zoov nuj txeeg nqha sis niab, txhia niaj kus txhia xyoo niam poj lag tsis tuag ces nws lub vaj tsev huv lis si hos, xyoo no niam poj lag ntaj ntsug nyob tas ces nws lub vaj tsev ntxhov sis niab.. txhia niaj kus txhia xyoo nraj yig tsis tuag ces zoov nuj txeeg doog lis nkawv,nraj yig tuag tas ces zoov nuj txeeg nqha sis tsawv, txhia niaj kus txhia xyoo niam poj lag tsis tuag ces nws lub vaj tsev huv lis si hos. Xyoo no niam poj lag ntaj ntsug nyob tuag tas ces nws lub vaj tsev yuav ntxhov lis tsawv . no ! ib sub es !!!

8/-zoo niaj ces tsis tawg paj es,zoo xyoo tsis txi txiv phem niaj ces li tawg paj es,phem xyoo li txi txiv tawg paj sis zus tuaj nruab huab,txi txiv sis zus tuaj nruab ntsis- xyoo no ces niam poj lag ces yauv nrog nws tub coj nws kiv sis faib yig hos.- zoo niaj ces tsis tawg paj es, zoo xyoo tsis txi txiv, phem niaj ces li tawg paj es phem xyoo li txi txiv tawg paj sis zus tuaj nruab ntsis txi txiv sis zus tuaj nruab huab, xyoo no ces niam poj lag yuav nrov nws tub, coj nws kiv sis faib cuab--

9/-niam poj lag ntaj ntsug nyob tuag tas es. Nws tub nws kiv ces yuav mus thov txiv nraug,txiv mus txawj qeeg,yuav tuaj ua tus qeej nruas nrov qeej nruas nrov mus duj ntxheb,yuav muab tus zaj qeeg,zaj nruas xa niam poj lag nce sis hlo dhau plaws ntxwj nyug 99 ntsua mus kev deb.- niam poj lag ntaj ntsug nyob tuag tas es nws tub nws kiv yuav mus thov txiv nraug txiv mus txawj qeeg yuav tuaj ua tus qeej nruas nrov qeej nruas nrov mus duj cav..- yuav muab tus zaj qeeg zaj nruas xa niam poj lag nce sis hlo dhau plaws ntxwj nyug 99 ntsua mus kev dav. No ! ib sub es !!!

10/-tshav ntuj ces duab ntxoov qaij es, los nag ces duab ntxoo ntxoov, ciav nkawm txiv qeej txiv nruas yuav muab zaj qeeg,zaj nruas rau niam poj lag coj mus ua ntxuam yoov.--tshav ntuj ces duab ntxoov qaij es los nagces duab ntxoov dua, ciav nkawm txiv qeej kus txiv nruas yuav muab zaj qeeg,zaj nruas rau niam poj lag coj mus ua ntxuam cua, no ! ib sub es !!!

11/-ntuj hnub tav lis no ces niam nkauj qeeg yuav phlis lis phlo ua kab npauj kab xi xiv lis laws tus ceg ntseej, tav no tav tau ntiaj teb nuj toog nplhaib zag lub

caij los cais qeej. Ntuj hnub tav no niam nkauj qeeg
yuav phlis lis phlo ua kab npauj,kab xi xiv lis laws tus
ceg ntsuas, tav no tav tau ntiaj teb nuj toog nplhaib
zag lub caij los cais nruas. No! Ib sub es !!!!

12/-tshav ntuj ces paj dib tawg, los nag hmab dib cab
hmab dib luag luj luas nto plaws ntxwj nyug tej ntug
zej es, xyoo no ces niam poj lag tus ntsuj mam huab
xyw twb nrog niaj dab tsoj tsuam tuav tes rawv los
mus lawm lej hos. Tshav ntuj ces paj dib tawg,los nag
ces hmab dib cab,hmab dib luag luj luas nto plaws
ntxwj nyug tej ntug zos, xyoo no ces niam poj lag tus
ntsuj mam huab xyw twb nrog niaj dab tsoj tsuam
tuav tes rawv los lawm ntxov, no ! ib sub es !!!

13/-niam poj lag ces tus ntsuj cev nyob tuag taus,tus
ntsuj mam tuag tsis taus,tus ntsuj mam nce sis hlo mus
txog ntxwj nyug tej mus ntav ntuj es yuav tig ntiaj xib
lees saib lawm ntiaj teb, pom nws tub,nws kiv muab
txiaj ntaub,txiaj ntawv hlawv cig pluj tsis cig plaws cig
pluj plaws ua hluav ncab- niam poj lag ces yuav tes
lauj los txis nkaus txiaj ntaub,txiaj ntawv coj mus
muas kab.- niam poj lag ces tus ntsuj cev nyob tuag
taus, tus ntsuj mam tuag tsis taus, tus ntsuj mam nce
sis hlo nto plaws ntxwj nyug tej ntav ntuj, tig ntiaj xib
lees saib ntiaj teb, pom nws tub nws kiv muab txiaj
ntaub txiaj ntawv hlawv cig pluj tsis cig plaws cig pluj
plaws ua hluav ntev, niam poj lag ces yuav tes lauj los
xais nkaus txiaj ntaub txiaj ntawv coj mus muas kev
14/-niam poj lag ces tus ntsuj cev nyob tuag tas tshuav
us ntsuj mam tuag tsis tas, tus ntsuj mam nce sis hlo
ito plaws ntxwj nyug tej ntav ntuj es tig ntiaj xib lees

saib lawm ntiaj teb pom nws tub nws kiv muab txiaj
ntaub txiaj ntawv hlawv cig pluj tsis cig plaws,cig pluj
plaws tuaj nram toj, niam poj lag tes lauj yuav txais
nkaus tus txiaj ntaub,txiaj ntawv coj mus tam liaj ia
teb chaws noj.. niam poj lag ces tus ntsuj cev nyob
tuag tas, tshuav tus ntsuj mam tuag tsis tas,tus ntsuj
mam nce sis hlo nto plaws ntxwj nyug tej ntav ntuj tig
ntiaj xib lees saib lawm ntiaj teb pob nws tub nws kiv
muab txiaj ntaub,txiaj ntawv hlawv cig pluj tsis cig
plaws cig pluj plaws tuaj nram hav, niam poj lag tes
lauj yuav txais nkaus tus txiaj ntaub txiaj ntawv coj
mus tam liaj ia teb chaws kav. No ! ib ! sub es !!!

15/-los nag ces huab ntsauv zoov,tshav ntuj ces huab
kaim huab tej sis yuj es,niam poj lag ces nws tus ntsuj
mam huab xyw twb nce sis hlo nto plaws ntxwj nyug
qab mus ntaiv ntuj hos... los nag ces huab ntsauv zoov
tshav ntuj ces huab kaim huab tej sis zees, niam poj
lag tus ntsuj mam huab xyw twb nce nto plaws ntxwj
nyug qab mus thaiiv nees. No ! ib sub es !!!

16/-ntxwj nyug tub zov rooj ntug yuav nug hais tias
niam poj lag koj los ntiaj teb los es koj tshuav koj tub
koj kiv tsav tsim nuj qas tsi, koj tub koj kiv tshuav koj
tsav tsim nuj li cas ? ciav niam poj lag yuav hais tias
niam poj lag tshuav nws tub nws kiv 99 ntswg liaj
ncab 88 txwg zoo mus tub mab, nws tub nws kiv haj
tseem tshuav niam poj lag lub mus kauj vab. Niam
poj lag yuav hais tias niam poj lag tshuav nws tub nws
kiv 99 ntswg liaj ntev 88 txwg zoo mus tub qhev, nws
tub nws kiv haj tseem tshuav niam poj lag lub mus
kauj lev.

17/-Ntxwj nyug tub zov rooj ntug yuav nug hais tias niam poj lag koj los ntiaj teb los, ntiaj teb muaj txug cia zoo txuj es ntiaj teb muab tsav tsim nuj qas tsi coj los pam pluj, niam poj lag yuav hais tias: ntiaj teb muaj txug cia zoo txuj ces ntiaj teb muab tawv nyuj dub coj los zoj kom nruj muab qeej lag los tshov muab cav muas xuv coj los ntaus pam pluj.. ntiaj teb muaj ci cia zoo ci, ntiaj teb muab tawv nyuj dub coj los zoj nruas muab qeej lag los tshov, muab cav muas xuv coj los ntaus pam tuág. No ! ib sub'es !!!

18/-xyoo no ces niam poj lag yuav mus zaum ntua nws poj koob yawm txwv tej qab cub, nws yuav mus ciaj tau nws poj koob yawm txwv niaj ib leeg mus zoo tub.. xyoo no ces niam poj lag yuav mus zaum ntua nws poj koob yawm txwv tej qab cais,nws yuav mus ciaj tau nws poj koob yawm txwj niaj ib leeg mus zoo ntxhais.

19/-Zaum no ces niam poj lag yuav mus phlis lis phlo luaj tsos seb, nws yuav xa xov nraws rau nws tub nws kiv hais tias: zaum no nws yuav mus niaj txhiab me txhis yuav tsis rais feb, .zaum no ces niam poj lag nws yuav mus phlis lis phlo luaj tsos xov, nws yuav xa xov nraws rau nws tub nws kiv hais tias: zaum no nws

yuav mus niaj txhiab mev txhis yuav tsis rais rov

20/-niam nkauj qeeg yuav nug txiv nraug nruas hais tias: txiv nraug nruas koj nrov ntuj hnub mus tav no koj mag niaj pes tsawg caum qws? Txiv nraug nruas yuav hais tias: txiv nraug nruas mag 360 qws nrov sib tsub muaj ib qws nrov zeeg tshaws daim tawv mus nyuj dub. Txiv nraug nruas yuav nug niam nkauj qeeg

2 + 2

hais tias: niam nkauj qeeg koj nrov ntuj hnub mus tav no es koj mag niaj pes tsawg caum npuaj. Niam nkauj qeeg yuav hais tias: niam nkauj qeeg mag 360 npuaj muaj ib npuag nrov mus muaj zag, muaj ib npuag nrov zeeg tshaws daim nplaim tooj dag txiv sis npliag nkauj ces tsis muaj tag lawm tiag no ib sub es !!!

21/-kuv txiv nkauj ces nkauj tsis ncab kuv yuav tso koj txiv qeej tes rov rau tej yas kab, koj mam xaus koj tus qeej tus nruas thaiv nkaus dab ploj, dab tuag txoj mus hauv kab. Kuv txiv nkauj ces nkaúj tsis ntev, kuv yuav tso koj txiv qeej tes rau tej yas kev koj mam xaus koj tus qeej tus nruas thaiv nkaus dab ploj dab tuag txoj hauv kev.

22/- kuv txiv nkauj ces nkauj tsis muaj tag,kuv yuav rhais roj rhais neev rov lawm ntiaj teb, koj txiv qeej koj muaj txug cia zoo txuj koj mam xaus koj tus qeej tus nruas rau qab mus ncej ntxheb.

-Kuv txiv nkauj ces nkauj tsis muag tag, kuv yuav rhais roj rhais neev rov lawm yaj nrág, koj txiv qeej ces koj muaj txug cia zoo txuj es koj mam xaus koj tus qeej tus nruas rau qab mus ntuj dag.

-Hais txog zaj nkauj hlawv ntawv mas tas li no
major Tougeu leepalao.

1= yai ! txog siav tuaj lawm yuas koj muam phauj laug,zoo li xyoo no liaj nom teb tsw rooj tag vuam ntaub tsuj nes! Zoo li laj lig tub ncig ntuj wb tuaj ces yog tuaj fi koj nyaj cawm txiv dab laug lub moo pluj mog.

= **xyoo no** liaj nom teb tsw rooj tag vuam ntaub npuag !zoo li laj lig tub ncig ntuj wb tuaj ces yog tuaj fi koj nyaj cawm txiv dab laug lub moo tuag no mog.

2/- zoo li koj nyaj cawm txiv dab laug qaij qaug los mus tas nrho nws tus ntsuj mam huab xyw nce sis hlo mus hla plaws ntxwj nyug lub rooj vag nyob vuam ntaub mog! zoo li wb tuaj ces yog wb tuaj fi koj nyaj cawm txiv dab laug lub moo ploj rau koj paub no nes!.

=zoo li koj nyaj cawm txiv dab laug qaij qaug los mus tas nrho nws tus ntsuj mam huab xyw nce sis hlo mus hla plaws ntxwj nyug lub rooj vag nyob vuam xov mog! zoo li wb tuaj ces yog wb tuaj fi koj nyaj cawm txiv dab laug lub moo tuag rau koj hnov no nes !

3/- zoo li koj muam phauj laug! Zoo li Ntuj thaum ub teb thaum i lub ntuj raug,teb raug yog neb nkauj muam,nraug nus yuav koom niam,koom txiv niaj ib plab yug,neb thooj txiab txiav hlab tu,koom noj lub mis ncau yag pu,zaum no nws qaij qaug los mus yuav tuam vam,xov vam koj muam phauj laug mus ua nws qab tu no mog.

=zoo li koj muam phauj laug! Zoo li ntuj thaum ub,teb thaum i lub ntuj raug,teb raug yog neb nkauj muam nraug nus yuav koom niam,koom txiv niaj ib plab xya,neb thooj txiab txiav hlab, koom noj lub mis ncau yag npab! zaum no nws qaij qaug los mus yuav tuam vam,xov vam koj muam phauj laug mus tus nws qab no mog .

4/-zoo li koj muam phauj laug! Zoo li nws laus qaij qaug yeev los mus tas nrho,nws qab vaj cog zoo paj es!hauv vaj cog zoo dos, npoj txoos tsev xyom cuab li sab laj sis zus mus taug nws tus txheeb caj hos! Txum nyiv sis zus mus taug nws tus txheeb ko no mog koj muam phauj laug.

5/-zoo li koj muam phauj laug! Zoo li thaum nws laus tseem ua lub neej nyob ces nws rooj tag yog koj qhov chaws daws khau, zaum no nws qaij qaug los mus lawm yuav vam koj mus qaij nws laus kaus no nes!

=zoo li thaum nws laus tseem ua lub neej nyob ces nws rooj tag yog koj qhov chaws daws nrhoob, zaum no nws qaij qaug los mus lawm yuav vam koj mus qaij nws nploog.


6/- zoo li koj muam phauj laug! Koj yuav mus qaij nws lub kaus tsuj dub rau nws coj mus roos hnub mog,nws nce sis hlo ntxwj nyug kev av mus luaj dub tshav tuaj los tshav tsis kub los nag los kom nag tsis ntub no mog.

=zoo li koj muam phauj laug! Koj yuav mus qaij nws lub kaus tsuj ci rau nws coj mus roos hli,nws nce sis hlo ntxwj nyug txoj kev av luaj ci, kom hli tuaj los hli tsis ci.los nag los kom nag tsis si no nes koj muam phauj laug.

= zoo li npuj tswg tsis tshais tswg, pov hneev tsis tshais xub taw nkawj ces yog

= zoo li npuj tswg tsis tshais tswg, pov hneev tsis tshais xub taw nkawj ces yog nkawj,taw daiv ces yog daiv no nes koj muam phauj laug. Hais txog zaj hu muam phauj tas li no xwb.

= tus hais yog yawg: Major.Tougeu leepalao



Major. Tougeu leepalao.
687 charles ave.st Paul,M.N 55104. H.
995 universty ave, stpaul,MN55104. w.

= **Education:** 1950 Lao grade school certificate phone-savanah province xieng khouang laos.

- = 1953 special guerrilla unit and parachute training camp cap saint Jacque province Saigon south Vietnam.
- = 1960 French grade school certificate xiengkhouang laos.
- = 1963 military cadet school phakhao laos trained to be a military officer.
- = 1966 training in general long cheng laos acted as a technical training staff at long cheng ste 20. A.

= **Experience:**

- = 1964 Commander in chief. Ban Na Laos. Acted as a coordinator for Zone. 2 A. site 15.
- = 1966 commander in chief saneune laos acted as a coordinator to manage Zone . 12 B. site 184.
- = 1967 chief of training moung cha Laos. responsible for training guerrilla unit and.B.O.C.troops at site 113 training camp.
- = 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and.MTT. troops at Long cheng training camp center.
- = 1971-75 Commander in chief at Samthong Laos. managed and Director the .B.O.C. for site 20.
- = 1992 present Cultural instructor Hmong cultural center St Paul, MN 55104 teach Hmong cultural,history and language adolescent And adults and provide cultural counseling to Hmong community

Reference: Available upon request.

